

Судан шегінеді. (От)

Мақал: Отан оттан да ыстық.

4. Жұмбақ: Жылт-жылт етеді

Жылғадаң өтеді. (су)

Мақал: Судың да сұрауы бар.

5. Жұмбақ: Өзімнен өзгенің бәрін көремін. (Көз)

Мақал: Көз қорқақ, қол батыр.

6. Жұмбақ: Сылдырдан қорқады, шошынып жортады. (Қоян)

Мақал: Қоянды қамыс, ерді намыс өлтіреді.

4-тур: «Даналық ойдан дән ізде» сайысы

Шарты: Топтар сандарды таңдау арқылы өздері мағынасын түсіндіретін мақал-мәтелді таңдап, талдайды.

1-ұяшық: Апама жездем сай. 20

2-ұяшық: Тасты жерде егін болмас,

Текті бала тегін болмас. 30

3-ұяшық: Азға қанағат етпеген, көптен құр қалар. 40

4-ұяшық: Жалған достан жау артық. 10

5-тур: «Не деу керек мұндайда?» сайысы

(Сіздерге бір-бір жағдаяттан беріледі. Сіздер осындай жағдайда айтылатын мақалдарды жазып оқисыздар)

1-топ. Ертеде Одағай деген өтірікші болыпты. Ол баласын өтірікке баулыпты. Бұған әбден машықтанған баласы өтірік айтпаса отыра алмайды екен. Бір жиында әкесінің қасында отырған ол:

- Аспанда ит қыңсылайды ғой, - депті.

- Ит ұшатын ба еді? – депті біреу.

- Бағана бір құс күшік көтеріп кетіп еді, әлі өлтірмеген екен ғой, - депті Одағай.

Сонда бір қария: - Апыр-ай, - деп өкінішпен басын шайқаған екен.

2-топ. Сырым Бөкен биге сәлем беруге барса, қарт: - Қай баласың? – депті.